



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o pristupanju promjeni Statuta Grada Sarajeva**  
**(Prijedlog)**

**Predlagač:** Gradonačelnica  
**Obrađivač:** Stručna služba gradonačelnice  
Grada Sarajeva u saradnji sa Gradskom  
službom za lokalnu samoupravu i razvoj grada

**Sarajevo, novembar 2021. godine**

**Adresa:** Hamdije Kreševjakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 26. Stav 1. tačka 1. i tačka 2. i člana 91. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko Vijeće Grada Sarajeva, na \_\_. sjednici, održanoj \_\_. \_\_. 2021. godine, donijelo je

(Prijedlog)

**Odluku  
o pristupanju promjeni Statuta Grada Sarajeva**

**Član 1.**

(Predmet)

Ovom odlukom Grad Sarajevo pristupa promjeni Statuta Grada Sarajeva prema tekstu Nacrta Statuta Grada Sarajeva sa ugrađenim rješenjima i obrazloženjem tih rješenja sačinjenim od strane Komisije imenovane u ranijem periodu, a koji je sastavni dio obrazloženja ove odluke i koji će predstavljati polaznu osnovu za dalji rad na predmetnom aktu.

**Član 2.**

(Provođenje Odluke)

- (1) Komisija sa statut i akte Gradskog vijeća Grada Sarajeva će, u skladu sa ovom odlukom, utvrditi Nacrt Statuta Grada Sarajeva i uputiti ga Gradskom vijeću na razmatranje.
- (2) Radna grupa za izradu Nacrta teksta Izmjena i dopuna Statuta Grada Sarajeva, odnosno izradu Nacrta teksta novog Statuta Grada Sarajeva, imenovana rješenjem gradonačelnice Grada Sarajeva, broj: 01/13-04-5365/21 od 01.10.2021. godine, dostavit će radni materijal Nacrta Statuta gradonačelnici Grada Sarajeva kao ovlaštenom predlagaču ove odluke, a gradonačelnica će isti uputiti na daljnje postupanje Komisiji za statut i akte.
- (3) Radna grupa iz prethodnog stava ovog člana Odluke, u saradnji za Komisijom za statut i akte, radit će na izradi konačne verzije Nacrta Statuta koja će biti dostavljena Gradskom vijeću na nadležno postupanje.

**Član 3.**

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo”.

**PREDSJEDAVALAČI GRADSKOG VIJEĆA**

**Jasmin Ademović**

Broj:  
Sarajevo,

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u odredbi člana 26. stav 1. tačka 1. i tačka 2. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), kojom je propisano da Gradsko vijeće donosi Statut Grada Sarajeva, donosi odluke, druge propise i opće akte i daje njihovo tumačenje.

Pravni osnov sadržan je i u odredbi člana 92. Statuta, kojom je propisano da prijedlog za promjenu Statuta Grada Sarajeva može podnijeti jedna trećina od ukupnog broja gradskih vijećnika, odnosno gradonačelnica, a koji se podnosi predsjedavajućem Gradskog vijeća i razmatra na sjednici Gradskog vijeća.

### **RAZLOZI ZA DONOŠENJE**

Program Gradskog vijeća za 2021. godinu, jedna od programiranih tema čije donošenje je planirano u ovoj godini je „Prijedlog za promjenu Statuta Grada Sarajeva”.

Naime, potreba za promjenama Statuta Grada Sarajeva je potreba koja je u Gradu Sarajevo prisutna odavno, pa je u tom smislu ovaj postupak otpočet 2017. godine, kada je na prijedlog Komisije za statut i akte formirana Komisija za izradu izmjena i dopuna Statuta Grada Sarajeva ili izradu novog Statuta Grada Sarajeva koja je u toku mjeseca decembra 2020. godine utvrdila materijal za izradu prijedloga Odluke o pristupanju promjeni Statuta Grada. Predmetni postupak nije okončan.

Smatrajući nužnim da se aktivnosti na donošenju promjena Statuta privedu kraju, gradonačelnica Grada Sarajeva je svojim rješenjem broj: 01/13-04-5365/21 od 01.10.2021. godine imenovala Radnu grupu za izradu Nacrta teksta Izmjena i dopuna Statuta Grada Sarajeva, odnosno izradu Nacrta novog Statuta Grada Sarajeva, uz naznaku da će se kao osnov za izradu koristiti naprijed navedeni radni materijal. Radna grupa otpočela je s radom na način kako je Rješenjem o imenovanju i naznačeno, pa su se s tim u vezi stekli uslovi da Gradsko Vijeće, poštujući statutarne odredbe i odredbe Poslovnika o radu Gradskog vijeća, donese Odluku na način kako je predloženo.

Donošenje ove odluke predloženo je po hitnom postupku u skladu sa članom 127. Poslovnika Gradskog vijeća Grada Sarajeva iz razloga što za donošenjem akta ove vrste postoji neodložna potreba, sve u cilju poštovanja programiranih i utvrđenih obaveza Programom rada Gradskog vijeća, a naročito ako se uzme u obzir poseban postupak i procedura u kojem se donosi Statut Grada Sarajeva i neophodnost njegovog što hitnijeg usklađivanja sa Ustavom, zakonom i drugim propisima.

### **FINANSIJSKA SREDSTVA**

Za realizaciju Odluke nisu potrebna dodatna finansijska sredstva.